



BOSNA I HERCEGOVINA
PARLAMENTARNA SKUPŠTINA
ZASTUPNIČKI DOM

Komisija za ostvarivanje ravnopravnosti spolova u BiH

Broj: 01/8-50-1-144-7/04

Sarajevo, 14.6.2004.godine.

Z A P I S N I K

7. sjednice Komisije za ostvarivanje ravnopravnosti spolova u BiH, održane 18.5.2004. godine, s početkom u 10,00 sati.

Sjednici Komisije prisustvovali su:

- Jozo Križanović, predsjedatelj Komisije,
- Ljiljana Milićević, prvi zamjenik predsjedatelja Komisije
- Nadžida Mlaćo, drugi zamjenik predsjedatelja Komisije,
- Ivo Lozančić, član Komisije,
- Mubera Ušanović, član Komisije,
- Jelina Đurković, član Komisije.

Odsustvovali su: g. Abdulah Nakaš, dr. Nijaz Duraković i dr. Azra Hadžiahmetović, članovi Komisije.

Od gostiju, sjednici su prisustvovali predstavnici: Ministarstva za ljudska prava i izbjeglice BiH, predstavnici komisija za ravnopravnost spolova oba doma Parlamenta Federacije BiH, Ureda za zakonodavstvo Vlade Federacije BiH, Gender centara Federacije BiH i Republike Srpske, Gender Task Force, UNDP BiH, OHCHR, IBHI BiH, Pravnog fakulteta Sarajevo, Filozofskog fakulteta Sarajevo, NVO «Forma F» Mostar i Fondacije BHIŽ Sarajevo.

Za sjednicu je usvojen slijedeći:

D n e v n i r e d:

- 1. Ocjena implementacije Zakona o ravnopravnosti spolova u Bosni i Hercegovini,**
- 2. Međuparlamentarna suradnja Komisija za ravnopravnost spolova BiH i entiteta BiH,**
- 3. Usvajanje zapisnika 6 sjednice Komisije,**
- 4. Tekuća pitanja**

Ad. – 1. Ocjena implementacije Zakona o ravnopravnosti spolova u Bosni i Hercegovini,

Predsjedatelj Komisije g. Jozo Križanović je pozdravio prisutne i zahvalio im se na odzivu na ovu sjednicu Komisije. Ukazao je na značaj pitanja koja su stavljena na dnevni red, te govorio o svrsi i cilju održavanja ove sjednice Komisije. Ujedno je predložio da Gender centri

Federacije BiH i Republike Srpske, inicijatori ove sjednice daju uvodno izlaganje koje će inicirati raspravu na sjednici Komisije.

G-đa Samra Filipović Hadžiabdić, direktor Gender Centra Federacije BiH u uvodu je istakla veliku aktivnost Gender centara u *gender* analizi zakona koji se donose na Federalnom nivou. Uočeno je da je neophodno određene zakone i podzakonske akte i tekstove propisa stalno analizirati, jer se pokazalo da često imaju određenih diskriminirajućih elemenata. Ona predlaže da predlagači zakona i drugih akata, prije dostave akata nadležnom zakonodavnom organu, trebaju svoje prijedloge dostavljati Gender centru Federacije BiH ili Republike Srpske, a kad profunkcionira Agencija na nivou BiH i ovoj instituciji.

Ona je ukazala na potrebu kontrole i onih akata koji su doneseni i koji su u primjeni.

G-đa Spomenka Krunić, direktor Gender centra Republike Srpske je podržala diskusiju. Istakla je aktivnost na izradi prednacrtu Zakona o zaštiti od obiteljskog nasilja, kao aktivnosti koja se vodi pred ovim Gender centrom. Postoje aktivnosti gender centara i na uređenju oblasti predškolskog, osnovnog i srednjeg obrazovanja.

Nakon uvodničara, u raspravi su učestvovali i drugi prisutni gosti i to: dr. Bogomir Barbić, prof.dr. Nirman Moranjak - Bamburać, Lejla Somun, Dijana Bajić, Aida Čikić, Saliha Đuderija, Nada Delalić, Besima Borić, Mirjana Penava, Jasna Džumhur, Anisa Sućeska, Jasna Bakšić – Muftić, Marina Dinek, kao i članovi Komisije.

Nakon sveobuhvatne rasprave u kojoj je svaki učesnik iznio svoje mišljenje i dao svoj doprinos realizaciji postavljene točke dnevnog reda ocjene implementacije Zakona o ravnopravnosti spolova, predsjedatelj Komisije je sumirao najznačajnije zaključke rasprave, koje su članovi Komisije jednoglasno prihvatili. To su slijedeći zaključci:

- **konstatirano je da nivo implementacije Zakona u oblastima: obrazovanja, socijalne skrbi, rada i zapošljavanja, javnog života, medija, športa i kulture, sudske zaštite i dr. nije na zadovoljavajućem nivou,**
- **članovi Komisije i prisutni izražavaju zabrinutost i nezadovoljstvo što, gotovo godinu dana nakon donošenja Zakona, nije formirana Agencija za ravnopravnost spolova BiH iako je, prema zakonu, trebala nastati tri mjeseca nakon donošenja Zakona. Zato se zahtijeva od Vijeća ministara BiH i Ministarstva za ljudska prava i izbjeglice BiH da odmah pristupe formiranju Agencije,**
- **u donošenju novih zakona, kao i primjeni postojećih, nadležni organi trebaju voditi računa o gender zastupljenosti,**
- **u primjeni Zakona o ravnopravnosti spolova, svi organi vlasti trebaju se fokusirati na pitanju usklađenosti svojih aktivnosti s gender zastupljenošću.**
- **neophodno je i dalje zadržati dobar nivo saradnje Komisije s entitetskim komisijama, resornim ministarstvima gender centrima i nevladinim organizacijama koje se bave ovom problematikom.**

Ad – 2. Međuparlamentarna suradnja Komisija za ravnopravnost spolova BiH i entiteta BiH,

U uvodu za ovu točku dnevnog reda predsjedatelj Komisije je podsjetio da ovoj sjednici Komisije prisustvuju i poslanici i delegati Parlamenta Federacije BiH. Zbog održavanja sjednice Narodne skupštine Republike Srpske sjednici ne prisustvuju članovi Komisije Narodne skupštine Republike Srpske koji su obaviješteni i koji su obavijestili Komisiju o spriječenosti dolaska. On je predložio raspravu o iskustvima i tekućoj problematici koja se susreće na sjednicama komisija oba doma Parlamenta Federacije BiH.

U kraćoj raspravi o ovoj točki dnevnog reda učešće su uzeli pojedini članovi Komisije, kao i gosti.

Na kraju, jednoglasno je zaključeno da postoji mnogo zajedničkih točaka u radu komisija i da treba biti buduća praksa, da se komisije međusobom posjećuju i informiraju o bitnim zajedničkim aktivnostima.

Ad – 3. Usvajanje zapisnika 6 sjednice Komisije

Nakon završetka druge točke dnevnog reda, predsjedatelj Komisije Jozo Križanović, predložio je raspravu i usvajanje zapisnika sa 6. sjednice Komisije.

Nije bilo diskusije o ovoj točki dnevnog reda.

Kako nije bilo diskusije o ovoj točki dnevnog reda, predsjedatelj Komisije predložio je usvajanje zapisnika, pa je Komisija jednoglasno usvojila zapisnik 6. sjednice Komisije.

Ad - 4. Tekuća pitanja

Nakon završetka prethodne točke dnevnog reda, predsjedatelj Komisije je predložio informiranje članova Komisije o aktivnosti obilaska općina, dopisu Organizacije «Žena 21» i o Orijentacionom radnom planu Zastupničkog doma PS BiH za 2004. godinu kao i diskusiju za ovu točku dnevnog reda.

Tajnik Komisije je upoznao prisutne s planom obilaska općina gdje su predsjednici općinskih vijeća/općina ili općinski načelnici žene. On je ukazao na zaključke s posljednjih sjednica Komisije, u svezi rasporeda obilazaka općina u kojima su predsjednici općinskih vijeća/predsjednici općina ili općinski načelnici žene, te predložio raspored obilazaka s terminima obilazaka.

Prijedlog obilazaka s terminima prihvatio je i predsjedatelj Komisije te predložio, a članovi Komisije prihvatili sa slijedećim obilježjima:

I skupina: - Jelina Đurković,
 - Nadžida Mlaćo,
 - Mubera Ušanović.

Ova skupina bi u srijedu 9.6.2004. godine u 11,00 sati održala sastanak u Prijedoru s predstavnicama općina u kojima su predsjednici općinskih vijeća/predsjednici općina ili općinski načelnici žene u Prijedoru, Sanskom Mostu, Srpskom Sanskom Mostu, Drvaru i Glamoču.

II skupina: - Ivo Lozančić,
 - prof. dr. Azra Hadžiahmetović
 - dr. Abdulah Nakaš.

Ova skupina bi u četvrtak 10.6.2004. godine u 11,00 sati održala sastanak u Zenici s predstavnicama općina u kojima su predsjednici općinskih vijeća/predsjednici općina ili općinski načelnici žene u Zenici, Travniku, Kaknju, Vitezu, Sokocu i Novom Sarajevu/Srpsko Novo Sarajevo.

III skupina: - Jozo Križanović,

- prof.dr. Nijaz Duraković,
- Ljiljana Milićević.

Ova skupina bi u petak 11.6.2004. godine u 11,00 sati održala sastanak u Neumu s predstavnicama općina u kojima su predsjednici općinskih vijeća/predsjednici općina ili općinski načelnici žene u Neumu, Posušju, Stocu/Berkovićima, Ravnom, Trebinju.

U okviru ove točke dnevnog reda članovi Komisije su upoznati o izboru žene 2003. godine u organizaciji Organizacije "Žena 21." Ova organizacija je molila sponzorstvo za aktivnost izbora žene 2003. godine.

Nakon diskusije zaključeno je da Komisija podržava aktivnost Organizacije "Žena 21" na promoviranju i afirmaciji žene jer je to aktivnost na afirmaciji ravnopravnosti spolova. Na žalost, Komisija nije u mogućnosti da doznači određena sredstva za ciljanu aktivnost jer nema svojih sredstava za te namjene.

U okviru ove točke dnevnog reda, članove Komisije je sekretar Komisije upoznao o Orijentacionom radnom planu Zastupničkog doma Parlamentarne skupštine BiH za 2004. godinu.

Zaključeno je da se Orijentacioni radni plan aktivnosti Zastupničkog doma Parlamentarne skupštine BiH za 2004. godinu prima k znanju, a sve njegove odredbe i aktivnosti koje su vezane za Komisiju imat će prioritet u odnosu na planiranu aktivnost Komisije za 2004. godinu.

Završavajući ovu točku dnevnog reda, Komisija je završila svoju 7. sjednicu. Sjednica je završena u 12,30 sati.

TAJNIK KOMISIJE

dr. Zijad Hasić

PREDSJEDATELJ KOMISIJE

Jozo Križanović